

Izjava: Visoki predstavnik je naglasio ključnu važnost reforme policije

Komentirajući pismo Ollija Rehna, povjerenika za proširenje Evropske unije, upućeno Adnanu Terziću, premijeru BiH, u kojem se naglašava ključna važnost uspješne reforme policije za proces pridruživanja BiH Evropskoj uniji, visoki predstavnik Paddy Ashdown je danas naglasio činjenicu da «ključna komponenta nastojanja BiH da se pripremi za pregovore o Sporazumu o stabilizaciji i pridruživanju sa EU je postojanje policije koja se može efikasno boriti protiv kriminala. To se treba organizirati u skladu sa najboljom evropskom praksom te na temeljima profesionalnih, a ne političkih kriterija.»

Visoki predstavnik je naglasio tri stavke. Prvo, sve budžetske nadležnosti moraju biti prenesene na državni nivo; drugo, reforma policije se mora provesti na temelju geografskih područja organiziranih sa ciljem postizanja maksimalne učinkovitosti (uključujući brz odgovor na poziv); i treće, očigledno uplitanje politike u rad policije se mora eliminirati.

«Ova tri načela se moraju provesti ako BiH želi ispuniti uslove Evropske unije», rekao je visoki predstavnik. «Jednako važna je i činjenica da će ova tri načela pomoći kako bi se za građane ove zemlje osigurali visoki standardi profesionalnog rada policije, na šta oni imaju pravo i čega su dugo bili uskraćeni. Na kraju, ova načela će stvoriti od BiH sigurnije mjesto za život.»